

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa Programom utroška sredstava planiranih u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti – za zdravstvo“, broj: 02-11-4970/22 od 25.03.2022. godine, na prijedlog Ministarstva zdravstva, Vlada Zeničko-dobojskog kantona, na 163. sjednici, održanoj dana 14.07.2022. godine, d o n o s i

ODLUKU

o odobravanju sredstava JU Kantonalna bolnica Zenica za nabavku medicinske opreme proizvođača „DWA“ – Reverzna osmoza 1000 l/h sa predtretmanom vode za potrebe Odjela interne medicine sa hemodijalizom

Član 1.

(Predmet)

(1) Odobravaju se sredstva JU Kantonalna bolnica Zenica u iznosu od 175.500,00 KM (slovima: stotinusedamdesetpethiljadapetstotina konvertibilnih maraka) za nabavku medicinske opreme proizvođača „DWA“ – Reverzna osmoza 1000 l/h sa predtretmanom vode za potrebe Odjela interne medicine sa hemodijalizom.

(2) Odobrena sredstva se odnose na ukupnu cijenu medicinske opreme u iznosu 175.500,00 KM prema Ugovoru broj: 32-04-3833/22 od 23.05.2022. godine, koji je JU Kantonalna bolnica Zenica zaključila sa „INEL-MED“ d.o.o. Mostar.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

(2) Sredstva odobrena Odlukom će se transferisati na žiro-račun JU Kantonalna bolnica Zenica broj: 1340100000339717 otvoren kod ASA banke, na osnovu zaključenog ugovora o nabavci. Po donošenju Odluke sredstva će se transferisati u dvije jednake rate po 87.750,00 KM. Prva rata će se transferisati po donošenju Odluke, a druga rata 30.09.2022. godine.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

Član 4.

(Izvještavanje)

JU Kantonalna bolnica Zenica je dužna izvjestiti Ministarstvo zdravstva o namjenskom utrošku sredstava, dostavljanjem fakture i dokaza o uplati sredstava dobavljaču.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-11069/22

Datum, 14.07.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo zdravstva,
1x Ministarstvo finansija,
1x JU Kantonalna bolnica Zenica, putem Ministarstva,
1x „Službene novine Zeničko-dobojskog kantona“,
1x a/a.